


## Komentar monetarnih kretanja u decembru 2021. godine

Ukupna novčana masa (M2) na kraju decembra 2021. godine iznosila je 31,5 milijardi KM, dok je na mjesečnom nivou registrovan rast za 440,8 miliona KM (1,4%). Rast novčane mase (M2) u decembru 2021. godine rezultat je rasta novca (M1) za 503,1 miliona KM (2,9%) i smanjenja kvazi novca (QM) za 62,3 miliona KM (0,5%). Novac (M1) uvećan je usljed rasta gotovine izvan banaka za 128,8 miliona KM (2,4%) i rasta prenosivih depozita u domaćoj valuti za 374,3 miliona KM (3,1%). Rezultat povećanja kvazi novca (QM) je rast prenosivih depozita u stranoj valuti za 0,7 miliona KM (0,02%) i ostalih depozita u domaćoj valuti za 11,7 miliona KM (0,4%), uz istovremeno smanjenje ostalih depozita u stranoj valuti za 74,7 miliona KM (1,0%).

Na godišnjem nivou, u decembru 2021. godine došlo je do povećanja novčane mase (M2) u iznosu od 3,26 milijardi KM (11,5%) u odnosu na isti mjesec prethodne godine. Rast je ostvaren kod gotovine izvan banaka za 489,7 miliona KM (9,7%), prenosivih depozita u domaćoj valuti za 2,37 milijardi KM (23,7%), prenosivih depozita u stranoj valuti za 397,7 miliona KM (13,7%) i ostalih depozita u domaćoj valuti za 9,4 miliona KM (0,3%), uz istovremeno smanjenje ostalih depozita u stranoj valuti za 12,6 miliona KM (0,2%).



Protustavka rastu novčane mase (M2) na mjesečnom nivou u decembru 2021. godine u iznosu od 440,8 miliona KM (1,4%) je pad neto strane aktive (NSA) za 62,6 miliona KM (0,3%) i rast neto domaće aktive (NDA) za 503,4 miliona KM (4,2%). Porast novčane mase (M2) na godišnjem nivou u iznosu od 3,26 milijardi KM (11,5%) rezultat je rasta neto strane aktive (NSA) za 3,1 milijardu KM (19,4%) i neto domaće aktive (NDA) za 155,1 milion KM (1,3%).

## Monetarni pregled

	Stanje u mil. KM XII 2021	Mjesečne promjene u mil. KM			Godišnje stope rasta u %		
		X 2021	XI 2021	XII 2021	X 2021	XI 2021	XII 2021
<b>Aktiva</b>							
<b>1. Neto strana aktiva</b>	<b>19.114,7</b>	<b>439,7</b>	<b>185,2</b>	<b>-62,6</b>	<b>22,5</b>	<b>22,0</b>	<b>19,4</b>
1.1. Strana aktiva	21.063,7	428,3	129,2	64,5	17,5	16,9	14,9
1.2. Strana pasiva	-1.949,0	11,4	56,0	-127,2	-16,8	-19,1	-16,2
<b>2. Neto domaća aktiva</b>	<b>12.390,2</b>	<b>-83,2</b>	<b>-126,3</b>	<b>503,4</b>	<b>-0,9</b>	<b>-1,6</b>	<b>1,3</b>
2.1. Potraživanja od centralne vlade (neto), kantona i opština	-211,2	-73,3	-46,9	92,1	-255,6	-336,4	-170,0
2.2. Potraživanja od domaćih sektora	19.985,3	46,0	52,3	20,6	3,1	3,4	3,8
2.3. Ostale stavke	-7.383,9	-55,8	-131,7	390,7	4,0	5,7	0,9
<b>Pasiva</b>							
<b>1. Novčana masa (M2)</b>	<b>31.505,0</b>	<b>356,5</b>	<b>58,9</b>	<b>440,8</b>	<b>12,2</b>	<b>11,8</b>	<b>11,5</b>
1.1. Novac (M1)	17.916,6	261,2	57,6	503,1	19,2	18,6	19,0
1.2. Kvazi novac (QM)	13.588,3	95,3	1,3	-62,3	4,5	4,1	3,0

## Kreditni

Ukupni krediti domaćim sektorima u decembru 2021. godine iznosili su 21,08 milijardi KM i u odnosu na prethodni mjesec povećani su za 20,2 miliona KM (0,1%). Kreditni rast registrovan je kod sektora privatnih preduzeća za 12,8 miliona KM (0,1%), vladinih institucija za 4,3 miliona KM (0,4%) i ostalih domaćih sektora za 9,9 miliona KM (6,0%). Smanjenje kredita registrovano je kod sektora stanovništva za 5,4 miliona KM (0,1%) i javnih preduzeća za 1,4 miliona KM (0,3%).

Godišnja stopa rasta ukupnih kredita u decembru 2021. godine iznosila je (3,6%), nominalno 727,9 miliona KM. Godišnji rast kredita registrovan je u sektorima stanovništva za 541 milion KM (5,5%), privatnih preduzeća za 186,1 milion KM (2,2%), vladinih institucija za 19 miliona KM (1,6%) i ostalih domaćih sektora za 6,8 miliona KM (4,0%). Smanjenje kreditnog rasta na godišnjem nivou registrovano je kod nefinansijskih javnih preduzeća za 24,9 miliona KM (4,7%).

### Sektorska struktura kredita u BiH

	Stanje u mil. KM	Mjesečne promjene u mil. KM			Godišnje stope promjene u %		
	XII 2021	X 2021	XI 2021	XII 2021	X 2021	XI 2021	XII 2021
<b>Ukupno</b>	<b>21.075,3</b>	<b>34,2</b>	<b>53,7</b>	<b>20,2</b>	<b>2,9</b>	<b>3,2</b>	<b>3,6</b>
Od toga:							
Stanovništvo	10.435,8	55,0	35,0	-5,4	4,7	5,2	5,5
Privatna preduzeća	8.774,6	4,1	0,0	12,8	1,6	1,6	2,2
Vladine institucije	1.180,2	-13,5	4,5	4,3	0,9	0,6	1,6
Javna preduzeća	510,8	-12,6	18,7	-1,4	-5,0	-2,0	-4,7
Kreditni ostalim domaćim sektorima	174,1	1,2	-4,4	9,9	1,4	5,0	4,0

### Devizne rezerve

Devizne rezerve Centralne banke BiH na kraju decembra 2021. godine iznosile su 16,35 milijardi KM. U odnosu na prethodni mjesec, devizne rezerve Centralne banke BiH su povećane za 227,2 miliona KM (1,4%), dok je na godišnjem nivou registrovan porast za 2,48 milijardi KM (17,9%).